

Ffurflen Llofnod Myfyriwr – 2026/27

Rydym yn hapus i dderbyn ac ymateb i ohebiaeth yn Gymraeg.
Ni fydd hyn yn arwain at oedi i anfon ymateb.

Cyfeirnod Cwsmer

Enw(au) cyntaf

Cyfenw

Telerau ac amodau

Mae'r telerau ac amodau ("telerau") hyn a deddfwriaeth berthnasol yn weithredol o ran yr holl gyllid i fyfyrwyr sydd ar gael i fyfyrwyr ar gyfer y flwyddyn academiaidd 2026/27.

Rwy'n deall bod yn rhaid i mi ddarllen y telerau penodol ynghylch cynnyrch cyllid i fyfyrwyr ar gael oherwydd y byddant yn effeithio arnaf os byddaf yn ymgeisio amdanynt ar unrhyw adeg yn y flwyddyn academiaidd hon.

Rwy'n deall y gallai fy nghais am gyllid i fyfyrwyr gael ei ohirio oni bai fy mod yn llofnodi a dyddio'r telerau hyn.

Contract y Benthyciad

1. Rwy'n cadarnhau fy mod wedi darllen a deall y telerau hyn a bod Canllaw i Amodau a Thelerau ar gael ar www.cyllidmyfyrwrycymru.co.uk/telerau-ac-amodau
2. Rwy'n cadarnhau fod yr wybodaeth rwyf wedi ei darparu, hyd eithaf fy ngwybodaeth a chred, yn wir a chyflawn. Os nad yw, rwy'n deall ei bod yn bosibl na fyddaf yn derbyn cyllid i fyfyrwyr, y bydd unrhyw gefnogaeth yr wyf wedi ei chael yn cael ei thynnu yn ôl ac y gellir fy erlyn.
3. Rwy'n deall fod cyllid i fyfyrwyr yn cael ei ddarparu i mi gan Weinidogion Cymru (y "Rhoddwr Benthyciadau") sy'n cynnwys unrhyw bersonau yn gweithredu ar eu rhan ac unrhyw amnewidiad(au) dan adran 23(4) Deddf Addysg Uwch 1998 fel y'i diwygiwyd neu amnewidiwyd o bryd i'w gilydd (y "Ddeddf").
4. Rwy'n deall y bydd y telerau hyn, y Ddeddf a'r rheoliadau a wneir dan adran 22 y Ddeddf yn berthnasol i unrhyw gyllid i fyfyrwyr a roddir mi gan y Rhoddwr Benthyciadau.
5. Rwy'n deall bod "cyllid i fyfyrwyr" yn y telerau hyn yn golygu cefnogaeth ariannol trwy grant(iau) ac/neu fenthyciad(au) a wneir gan y Rhoddwr Benthyciadau dan y rheoliadau.
6. Rwy'n deall bod y Cwmni Benthyciadau i Fyfyrwyr ("SLC") yn cyflawni swyddogaethau penodol ar ran y Rhoddwr Benthyciadau.

Fy Ymrwymiadau

7. Rwy'n deall os ydw i:
 - (i) wedi cyrraedd 18 oed; ac
 - (ii) fy mod wedi mynd i gytundeb(au) am fenthyciad dan adran 22 y Ddeddf cyn i mi gyrraedd 18 oed,fy mod yn cytuno i "ddilysu" unrhyw a phob benthyciad myfyriwr trwy lofnodi'r telerau hyn. Mae

- hyn yn golygu fy mod yn cadarnhau fy mod wedi mynd i gytundeb(au) gyda'r Rhoddwr Benthyciadau ac yn cytuno i delerau unrhyw gytundeb(au) blaenorol o'r fath. Os ydw i wedi cyrraedd 18 oed ac yn gwrthod "dilysu" unrhyw gytundeb(au) blaenorol, rwy'n deall na fyddaf yn gymwys i gael unrhyw gyllid i fyfyrwyr pellach dan y rheoliadau.
8. Rwy'n cytuno i roi unrhyw wybodaeth i SLC y bydd angen i gefnogi'r cais yma am gyllid i fyfyrwyr ac/neu i gasglu ad-daliad.
 9. Rwy'n cytuno i roi gwybod i SLC ar unwaith s bydd fy amgylchiadau'n newid mewn unrhyw fodd a allai effeithio ar fy hawl i gyllid i fyfyrwyr. Os na fyddaf yn gwneud hyn deallaf na fyddaf efallai yn cael taliadau pellach a bod posibilrwydd y bydd yn rhaid i mi ad-dalu'r cyllid i fyfyrwyr yr ydw i eisoes wedi'i gael. Rwy'n cytuno o'r dyddiad y byddaf yn cyflwyno fy nghais am gyllid i fyfyrwyr nes bydd fy menthyciad(au), ynghyd â'r holl ac unrhyw log, cosbau a thaliadau sy'n berthnasol, yn cael ei ad-dalu yn llawn, bod yn rhaid i mi hysbysu SLC am unrhyw newidiadau yn fy manylion personol (gan gynnwys fy rhif Yswiriant Gwladol) a'r manylion cyswllt a roddais.
 10. Rwy'n cytuno os byddaf yn cael gordaliad o gyllid i fyfyrwyr, mae angen i mi ei ad-dalu'n llawn ac y gellir casglu unrhyw ordaliad o unrhyw gais pellach am gyllid i fyfyrwyr.
 11. Rwy'n cytuno y byddaf yn ad-dalu'r Rhoddwr Benthyciadau unrhyw fenthyciad(au), ynghyd â phob ac unrhyw log, gosbau a thaliadau sy'n berthnasol. Rwy'n deall y bydd yr ad-daliad hwn yn ddyledus gennyf fi i'r Rhoddwr Benthyciadau fel dyled. Os byddaf yn torri unrhyw un o delerau fy menthyciad, rwy'n cytuno i dalu unrhyw gostau a chosbau perthnasol dan y Ddeddf a'r rheoliadau. Rwy'n deall y byddaf yn ad-dalu fy menthyciad(au) trwy system dreth y Deyrnas Unedig ("DU") ac/neu y gallaf ad-dalu SLC yn uniongyrchol. Os ydw i'n



byw dramor, byddaf yn ad-dalu fy menthyciad(au) i SLC yn uniongyrchol.

12. Rwy'n cytuno fod unrhyw fenthyciad(au) a wneir i mi yn unol â'r rheoliadau unwaith y derbynir fy nghais gan y Rhoddwr Benthyciadau yn gytundeb(au) rhyngof fi a'r Rhoddwr Benthyciadau. Rwy'n deall fy mod yn atebol ar gyfer fy menthyciad(au) ac y codir llog arnaf o daliad cyntaf y benthyciad gan y Rhoddwr Benthyciadau.
13. Rwy'n cytuno i roi gwybod i SLC os byddaf yn gadael y DU i fyw tu allan i'r DU neu os am ba bynnag reswm arall y byddaf tu allan i system dreth y DU am fwy na thri mis.

Camau Cyfreithiol a Deddfau Perthnasol

14. Os bydd galw am unrhyw achos cyfreithiol, rwy'n cytuno mai deddfau Cymru a Lloegr fydd yn weithredol ac y bydd y llysoedd yn y rhan honno o'r DU yn clywed unrhyw achos cyfreithiol. Os yw fy nghyfeiriad tu allan i'r DU, bydd deddfau'r rhan o'r DU ble mae fy narpwr addysg wedi ei leoli yn berthnasol a bydd y llysoedd yn y rhan honno o'r DU yn clywed unrhyw achos cyfreithiol. Rwy'n cytuno bod gan y Rhoddwr Benthyciadau'r hawl i gymryd camau cyfreithiol yn fy erbyn mewn unrhyw lys arall gydag awdurdod.

Rhannu Gwybodaeth

15. Os ydw i'n torri'r telerau hyn ac/neu'r rheoliadau, rwy'n cytuno y gall y Rhoddwr Benthyciadau rannu gwybodaeth amdanaf a fy nghyfrif gydag unrhyw drydydd parti yn cynnwys y llywodraeth neu asiantaeth llywodraeth gwlad arall, allai helpu fy lleoli ac/neu helpu gweithredu i adfer unrhyw daliadau sy'n ddyledus.
16. Rwy'n cadarnhau ble rwyf wedi darparu unrhyw wybodaeth bersonol ynghylch unrhyw berson arall yn fy nghais am gyllid i fyfyrwyr, fy mod wedi gwneud hynny gyda'i ganiatâd neu ei chaniatâd.
17. Rwy'n deall y bydd SLC yn prosesu fy nata personol yn unol â'r hysbysiad preifatrwydd sydd ar gael ar www.cyllidmyfyrwrycymru.co.uk/hysbyseb-preifatrwydd a allai gael ei ddiweddarau o bryd i'w gilydd.

Lwfans i Fyfrwyr Anabl ("DSA")

Mae'r adran hon yn berthnasol os byddaf yn ymgeisio am DSA yn y flwyddyn academaidd hon.

18. Rwy'n deall bod yn rhaid i unrhyw offer a gaf drwy'r DSA gael ei ddefnyddio ar gyfer fy nghwrs astudio. Lle nad yw fy lwfans DSA wedi'i ddisbyddu, deallaf y gellir ei ddefnyddio i gyfrannu at gost atgyweirio a/neu amnewid offer a dderbyniwyd drwy'r DSA. Rwy'n deall y gall fod angen i mi wneud cyfraniad tuag at gostau atgyweirio pan fyddaf wedi disbyddu fy hawl i DSA, wedi addasu'r offer a/neu wedi torri amodau fy

Nghytundeb. Rwyf hefyd yn deall na ellir defnyddio fy hawl DSA tuag at amnewid offer DSA mewn amgylchiadau lle rwyf wedi colli neu gamleoli unrhyw offer DSA y mae fy hawl DSA wedi'i ariannu'n llawn neu'n rhannol.

19. Rwy'n deall os byddaf yn cydsynio i SLC ddarparu ffynhonnell fy offer a chefnogaeth, y gall SLC dalu cyflenwyr unrhyw offer cymeradwy yn uniongyrchol.
20. Rwy'n deall gyda fy nghydsyniad, y gall SLC wneud taliadau i'r ganolfan asesu anghenion ar fy rhan.
21. Rwy'n deall gyda fy nghydsyniad y gall SLC wneud taliad uniongyrchol ar fy rhan i drydydd parti'n darparu unrhyw wasanaeth neu gefnogaeth gymeradwy arall i mi.
22. Os nad ydw i'n cytuno i SLC dalu cyflenwyr offer, cefnogaeth neu wasanaethau eraill ar fy rhan, rwy'n deall y byddaf yn gyfrifol am ddiwallu costau unrhyw offer, cefnogaeth neu wasanaethau cymeradwy eraill gan ddefnyddio fy lwfans DSA. Mae SLC yn cadw'r hawl i ofyn am dystiolaeth fy mod wedi derbyn offer, cefnogaeth neu wasanaethau eraill parthed fy DSA.

Grant Gofal Plant ("CCG")

Mae'r adran hon yn berthnasol os byddaf yn ymgeisio am CCG yn y flwyddyn academaidd hon.

23. Os na fyddaf yn darparu tystiolaeth o'r costau gofal plant o fewn yr amserlenni a bennwyd, deallaf y byddaf o bosibl yn colli fy hawl. Os yw fy nghostau gofal plant yn wahanol i'r amcangyfrifon a ddarparwyd gennyf, gallai taliadau pellach fy CCG gynyddu neu leihau yn unol â hynny. Os nad oes taliadau CCG pellach yn ddyledus i'w talu i mi, gallaf fod yn atebol i ad-dalu unrhyw wahaniaeth.
24. Os na fyddaf yn manteisio ar y gofal plant neu os byddaf yn penderfynu defnyddio darparwr gofal plant nad yw'n gofrestredig neu wedi'i gymeradwyo, deallaf y bydd yn rhaid i mi ad-dalu unrhyw ordaliad.
25. Rwy'n cadarnhau nad ydw i na fy ngŵr, gwraig, partner sifil neu bartner sy'n cydfyw wedi dewis derbyn cefnogaeth ar gyfer gofal plant o:
 - (i) elfen gofal plant Credyd Treth Gwaith;
 - (ii) elfen gofal plant Credyd Cynhwysol;
 - (iii) Gofal Plant Di-dreth; ac/neu
 - (iv) Lwfans Gofal Plant Bwrsariaeth y GIG;ac rwy'n cytuno i ddweud wrth yr SLC ar unwaith os byddaf fi neu fy ngŵr, gwraig, partner sifil neu bartner sy'n cydfyw yn derbyn y gefnogaeth hon. Rwy'n deall y gallai SLC rannu fy nata personol gyda HMRC i wirio a ydw i'n cael cefnogaeth gofal plant.

Eich enw llawn (mewn LLYTHRENNAU BRAS)

Eich llofnod

X

Diwrnod Mis Blwyddyn
Dyddiad - -